

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
VLADA**

Broj: 02-01-16242-1/12.  
Zenica, 26.07.2012. godine

**Z A P I S N I K**  
**sa 72. sjednice Vlade Zeničko-dobojskog kantona**  
**održane 26.07.2012. godine**

Sjednica je održana u sali 109, prvi sprat u zgradi Kantona, dana 26.07.2012. godine sa početkom u 10<sup>00</sup> sati.

Sjednici je predsjedavao Mirko Trifunović, ministar Ministarstva za obrazovanje, nauku, kulturu i sport, predsjedavajući po ovlaštenju.

Sjednici su prisustvovali članovi Vlade:

1. Džemil Ugarak, ministar Ministarstva za privredu,
2. Bojan Bošnjak, ministar Ministarstva za poljoprivredu, šumarstvo i vodoprivredu,
3. Romana Brkić, ministrica Ministarstva za pravosuđe i upravu,
4. Mirsad Isaković, ministar Ministarstva finansija,
5. Rifat Delić, ministar Ministarstva unutrašnjih poslova,
6. Ivica Ćurić, ministar Ministarstva za rad, socijalnu politiku i izbjeglice,
7. Mirko Trifunović, ministar Ministarstva za obrazovanje, nauku, kulturu i sport,
8. Senka Balorda, ministrica Ministarstva zdravstva,
9. Raif Seferović, ministar Ministarstva za prostorno uređenje, promet i komunikacije i zaštitu okoline,
10. Ekrem Tuka, ministar Ministarstva za boračka pitanja,

kao i:

1. Berjana Ačkar, sekretar Vlade,
2. Dženan Begović, šef Ureda premijera,
3. Nadja Omerović, savjetnik Premijera Zeničko-dobojskog kantona,
4. Azra Dedić, zapisničar.

U svojstvu izvjestioca sjednici prisustvuju:

1. Nađa Mišić, sekretar u Ministarstvu za prostorno uređenje, promet i komunikacije i zaštitu okoline,
2. Mirsada Siladžić, direktorica Kantonalne uprave za inspeksijske poslove,
3. Nurudin Smajlagić, direktor Agencije za privatizaciju Zeničko-dobojskog kantona

Sjednici prisustvuju i:

1. Joanna Kisielak, službenik OSCE programa za razvoj uprave i zajednice,
2. Dragan Vuković, predstavnik OSCE, kancelarija u Zenici.

Premijer Zeničko-dobojskog kantona stavio je na diskusiju predloženi dnevni red

## **DNEVNI RED:**

1. Verifikacija Zapisnika sa:
  - 70. sjednice Vlade Zeničko-dobojskog kantona, održane 12.07.2012. godine i
  - 71. sjednice Vlade Zeničko-dobojskog kantona, održane 18.07.2012. godine;
2. Nacrt Zakona o javno-privatnom partnerstvu, sa Prijedlogom Zaključka o utvrđivanju;
3. Pravilnik o dopunama Pravilnika o unutrašnjoj organizaciji i sistematizaciji radnih mjesta Ministarstva za prostorno uređenje, promet i komunikacije i zaštitu okoline;
4. Izvještaj o izvršenju Budžeta Zeničko-dobojskog kantona za period januar-mart 2012. godine, sa Prijedlogom Zaključka o prihvatanju;
5. Prijedlog Odluke o odobravanju sredstava za nabavku zemljišta na ime uplate troškova ranijih ulaganja za građevinsko zemljište i naknada za pogodnost-renta;
6. Prijedlog Odluke o odobravanju sredstava sredstava za rekonstrukciju i investiciono održavanje zgrada pravosudnih institucija;
7. Prijedlog Zaključka o odbijanju zahtjeva koncesionara koji crpe i flaširaju vodu sa područja Zeničko-dobojskog kantona za smanjenjem koncesione naknade;
8. Dokument „Projektni zadatak za izradu Strategije zapošljavanja Zeničko-dobojskog kantona za period 2012.-2016. godina“, sa Prijedlogom Zaključka o usvajanju;
9. Prijedlog Rješenja o imenovanju Radne grupe za izradu dokumenta „Informacija o stanju i načinima zapošljavanja mladih visokoobrazovanih kadrova na području Zeničko-dobojskog kantona“;
10. Prijedlog Zaključka o odobravanju sredstava Općini Maglaj na ime priključka na elektro mrežu obnovljenog stambenog objekta Mare Antolović, povratnice u Maglaj, naselje Bakotići;
11. Prijedlog Zaključka o odobravanju sredstava Hajri Hodžić iz Zavidovića, udovici poginulog branioca Brajke Hodžića, u svrhu kupovine stana i rješavanja stambenog pitanja porodice;
12. Izvještaj o realizaciji Programa kapitalnih ulaganja Ministarstva unutrašnjih poslova za period I-VI.2012. godine, sa Prijedlogom Zaključka o usvajanju;
13. Prijedlog Odluke o uvećanju sredstava u Budžetu Zeničko-dobojskog kantona za 2012. godinu za budžetskog korisnika iz nadležnosti Ministarstva za obrazovanje, nauku, kulturu i sport-Mješovita srednja škola Tešanj;
14. Prijedlog Zaključka kojim se poništava Javni oglas za popunu upražnjenih pozicija dva člana Nadzornog odbora i dva člana Odbora za reviziju u privrednom društvu „Natron“ d.d. Maglaj;
15. Prijedlog Zaključka kojim se utvrđuju upražnjene pozicije dva člana Nadzornog odbora i dva člana Odbora za reviziju u privrednom društvu „Natron“ d.d. Maglaj;
16. Prijedlog Odluke o listi lijekova koji se propisuju i izdaju na teret sredstava Zavoda zdravstvenog osiguranja Zeničko-dobojskog kantona, kao i način njihovog propisivanja i izdavanja;
17. Prijedlog Rješenja o razrješenju predsjednika i članova Upravnog odbora JU Zavod zdravstvenog osiguranja Zeničko-dobojskog kantona;
18. Prijedlog Rješenja privremenom imenovanju predsjednika i članova Upravnog odbora JU Zavod zdravstvenog osiguranja Zeničko-dobojskog kantona;
19. Prijedlog Odluke o odobravanju sredstava na ime učešća u zajedničkom finansiranju projekta izgradnje ambulante u Arnautima, općina Zenica;
20. Informacija o statusu realizacije Projekta izgradnje novog energetskog kompleksa i novog centralnog operativnog bloka, sa prijedlogom Zaključka o prihvatanju;
21. Informacija o problematici grijanja u Kantonalnom zavodu za medicinu rada, sa Prijedlogom Zaključka o prihvatanju;

22. Prijedlog Rješenja o izmjeni Rješenja o imenovanju Monitoring tima za praćenje realizacije „Strategije omladinske politike na području Zeničko-dobojskog kantona za period 2009.-2014. godina“;
23. Prijedlog Rješenja o utvrđivanju liste kandidata za članove komisije radi sprovođenja oglasa na izbor na upražnjene pozicije u reguliranim tijelima Zeničko-dobojskog kantona;
24. Prijedlog Zaključka o odobravanju sredstava Hajdarević Ifeti, predstavnici radnika Tvornice konfekcije „Borac“ d.d. u stečaju Zenica;
25. Program utroška finansijskih sredstava Kantonalne uprave za inspekcijske poslove, razdjel 26, budžetska organizacija 01, potrošačka jedinica 0001, ekonomski kod 821300 – pozicija „Nabavka opreme“, Budžeta Zeničko-dobojskog kantona za 2012. godinu, sa Prijedlogom Zaključka o usvajanju;
26. Prijedlog Zaključka o davanju saglasnosti na prijenos vlasništva nad vrijednosnim papirima preduzeća „Autotrans“ d.d. Vareš;
27. Upoznavanje članova Vlade sa aktima:
  - akt Saveza dobitnika najvećih ratnih priznanja Zeničko-dobojskog kantona, broj: 050-07/12 od 12.07.2012. godine;
  - akt „Udruženje branilaca općine Zavidovići 1991-1995.“, broj: 116/12 od 11.07.2012. godine;
  - zajednički akt boračkih udruženja općine Žepče, broj 02-01-15831/12 od 16.07.2012. godine;
  - Odgovor Ministarstva zdravstva upućen Načelniku Općine Vareš po zahtjevu za ostvarivanje prava na zdravstvenu zaštitu van kantona, broj 11-37-10120-1/12 od 04.07.2012. godine;
  - akt kojim se traži usklađivanje podataka Sparkasse banke broj: 10583-02-07/12 od 30.06.2012. godine;
  - dopisom Sindikata grafičkih, izdavačkih i medijskih radnika BiH-Sindikalna organizacija IP „Krivaja“ d.o.o. Zavidovići broj: 53/12 od 19.07.2012. godine u svrhu organizovanja zajedničkog sastanka sa rukovodstvom Javnog preduzeća „Šumsko-privredno društvo Zeničko-dobojskog kantona“ d.o.o. Zavidovići;
  - dopisom Saveza RVI Zeničko-dobojskog kantona-Organizacija RVI Općina Žepče broj: Ž-1-560-24/12 od 18.07.2012. godine u vezi dopisa boračkih udruženja Općine Žepče dostavljenom Premijeru Zeničko-dobojskog kantona;

Ministrica Ministarstva zdravstva, predložila je povlačenje 17. i 18. tačke prijedloga dnevnog reda.

Ministar Ministarstva finansija je predložio dopunu dnevnog reda sa tačkom: - Prijedlog Zaključka o davanju saglasnosti za donošenje Odluke o prestrukturiranju rashoda u Budžetu Zeničko-dobojskog kantona za 2012. godinu za Ministarstvo unutrašnjih poslova.

Članovi Vlade saglasili su se sa izmjenom i dopunom pa je za sjednicu jednoglasno usvojen slijedeći

### **DNEVNI RED:**

1. Verifikacija Zapisnika sa:
  - 70. sjednice Vlade Zeničko-dobojskog kantona, održane 12.07.2012. godine i
  - 71. sjednice Vlade Zeničko-dobojskog kantona, održane 18.07.2012. godine;
2. Nacrt Zakona o javno-privatnom partnerstvu, sa Prijedlogom Zaključka o utvrđivanju;
3. Pravilnik o dopunama Pravilnika o unutrašnjoj organizaciji i sistematizaciji radnih mjesta Ministarstva za prostorno uređenje, promet i komunikacije i zaštitu okoline;

4. Izvještaj o izvršenju Budžeta Zeničko-dobojskog kantona za period januar-mart 2012. godine, sa Prijedlogom Zaključka o prihvatanju;
5. Prijedlog Odluke o odobravanju sredstava za nabavku zemljišta na ime uplate troškova ranijih ulaganja za građevinsko zemljište i naknada za pogodnost-renta;
6. Prijedlog Odluke o odobravanju sredstava sredstava za rekonstrukciju i investiciono održavanje zgrada pravosudnih institucija;
7. Prijedlog Zaključka o odbijanju zahtjeva koncesionara koji crpe i flaširaju vodu sa područja Zeničko-dobojskog kantona za smanjenjem koncesione naknade;
8. Dokument „Projektni zadatak za izradu Strategije zapošljavanja Zeničko-dobojskog kantona za period 2012.-2016. godina“, sa Prijedlogom Zaključka o usvajanju;
9. Prijedlog Rješenja o imenovanju Radne grupe za izradu dokumenta „Informacija o stanju i načinima zapošljavanja mladih visokoobrazovanih kadrova na području Zeničko-dobojskog kantona“;
10. Prijedlog Zaključka o odobravanju sredstava Općini Maglaj na ime priključka na elektro mrežu obnovljenog stambenog objekta Mare Antolović, povratnice u Maglaj, naselje Bakotići;
11. Prijedlog Zaključka o odobravanju sredstava Hajri Hodžić iz Zavidovića, udovici poginulog branioca Brajke Hodžića, u svrhu kupovine stana i rješavanja stambenog pitanja porodice;
12. Izvještaj o realizaciji Programa kapitalnih ulaganja Ministarstva unutrašnjih poslova za period I-VI.2012. godine, sa Prijedlogom Zaključka o usvajanju;
13. Prijedlog Odluke o uvećanju sredstava u Budžetu Zeničko-dobojskog kantona za 2012. godinu za budžetskog korisnika iz nadležnosti Ministarstva za obrazovanje, nauku, kulturu i sport-Mješovita srednja škola Tešanj;
14. Prijedlog Zaključka kojim se poništava Javni oglas za popunu upražnjenih pozicija dva člana Nadzornog odbora i dva člana Odbora za reviziju u privrednom društvu „Natron“ d.d. Maglaj;
15. Prijedlog Zaključka kojim se utvrđuju upražnjene pozicije dva člana Nadzornog odbora i dva člana Odbora za reviziju u privrednom društvu „Natron“ d.d. Maglaj;
16. Prijedlog Odluke o listi lijekova koji se propisuju i izdaju na teret sredstava Zavoda zdravstvenog osiguranja Zeničko-dobojskog kantona, kao i način njihovog propisivanja i izdavanja;
17. Prijedlog Odluke o odobravanju sredstava na ime učešća u zajedničkom finansiranju projekta izgradnje ambulante u Arnautima, općina Zenica;
18. Informacija o statusu realizacije Projekta izgradnje novog energetskog kompleksa i novog centralnog operativnog bloka, sa prijedlogom Zaključka o prihvatanju;
19. Informacija o problematici grijanja u Kantonalnom zavodu za medicinu rada, sa Prijedlogom Zaključka o prihvatanju;
20. Prijedlog Rješenja o izmjeni Rješenja o imenovanju Monitoring tima za praćenje realizacije „Strategije omladinske politike na području Zeničko-dobojskog kantona za period 2009.-2014. godina“;
21. Prijedlog Rješenja o utvrđivanju liste kandidata za članove komisije radi sprovođenja oglasa na izbor na upražnjene pozicije u reguliranim tijelima Zeničko-dobojskog kantona;
22. Prijedlog Zaključka o odobravanju sredstava Hajdarević Ifeti, predstavnici radnika Tvornice konfekcije „Borac“ d.d. u stečaju Zenica;
23. Program utroška finansijskih sredstava Kantonalne uprave za inspeksijske poslove, razdjel 26, budžetska organizacija 01, potrošačka jedinica 0001, ekonomski kod 821300 – pozicija „Nabavka opreme“, Budžeta Zeničko-dobojskog kantona za 2012. godinu, sa Prijedlogom Zaključka o usvajanju;
24. Prijedlog Zaključka o davanju saglasnosti na prijenos vlasništva nad vrijednosnim papirima preduzeća „Autotrans“ d.d. Vareš;

25. Prijedlog Zaključka o davanju saglasnosti za donošenje Odluke o prestrukturiranju rashoda u Budžetu Zeničko-dobojskog kantona za 2012. godinu za Ministarstvo unutrašnjih poslova;
26. Upoznavanje članova Vlade sa aktima:
- akt Saveza dobitnika najvećih ratnih priznanja Zeničko-dobojskog kantona, broj: 050-07/12 od 12.07.2012. godine;
  - akt „Udruženje branilaca općine Zavidovići 1991-1995.“, broj: 116/12 od 11.07.2012. godine;
  - zajednički akt boračkih udruženja općine Žepče, broj 02-01-15831/12 od 16.07.2012. godine;
  - Odgovor Ministarstva zdravstva upućen Načelniku Općine Vareš po zahtjevu za ostvarivanje prava na zdravstvenu zaštitu van kantona, broj 11-37-10120-1/12 od 04.07.2012. godine;
  - akt kojim se traži usklađivanje podataka Sparkasse banke broj: 10583-02-07/12 od 30.06.2012. godine;
  - dopisom Sindikata grafičkih, izdavačkih i medijskih radnika BiH-Sindikalna organizacija IP „Krivaja“ d.o.o. Zavidovići broj: 53/12 od 19.07.2012. godine u svrhu organizovanja zajedničkog sastanka sa rukovodstvom Javnog preduzeća „Šumsko-privredno društvo Zeničko-dobojskog kantona“ d.o.o. Zavidovići;
  - dopisom Saveza RVI Zeničko-dobojskog kantona-Organizacija RVI Općina Žepče broj: Ž-1-560-24/12 od 18.07.2012. godine u vezi dopisa boračkih udruženja Općine Žepče dostavljenom Premijeru Zeničko-dobojskog kantona.

### **Prva tačka dnevnog reda**

Članovi Vlade su jednoglasno verificovali Zapisnik sa 70. sjednice Vlade Zeničko-dobojskog kantona, održane 12.07.2012. godine i Zapisnik sa 71. sjednice Vlade Zeničko-dobojskog kantona, održane 17 i 18.07.2012. godine.

### **Druga tačka dnevnog reda**

Uvodno obrazloženje za ovu tačku dnevnog reda dao je Raif Seferović, ministar Ministarstva za prostorno uređenje, saobraćaj i komunikacije i zaštitu okoline.

Detaljnije obrazloženje za ovu tačku dnevnog reda dala je Nađa Mišić, sekretar u Ministarstvu za prostorno uređenje, saobraćaj i komunikacije i zaštitu okoline.

U diskusiji su učestvovali: Ministar Ministarstva za obrazovanje, nauku, kulturu i sport, Ministrica Ministarstva zdravstva, Ministar Ministarstva za prostorno uređenje, promet i komunikacije i zaštitu okoline, Sekretar u Ministarstvu za prostorno uređenje, saobraćaj i komunikacije i zaštitu okoline, Ministar Ministarstva za privredu, Ministar Ministarstva unutrašnjih poslova, Ministar Ministarstva za poljoprivredu, šumarstvo i vodoprivredu i Sekretar Vlade.

Vlada je jednoglasno donijela Zaključak kojim se zadužuju resorna ministarstva da u roku od 30 dana primjedbe, prijedloge i sugestije na Nacrt Zakona o javno-privatnom partnerstvu, dostave Ministarstvu za prostorno uređenje, promet i komunikacije i zaštitu okoline, kao obrađivaču zakona, radi utvrđivanja konačnog teksta nacrta zakona.

### **Treća tačka dnevnog reda**

Obrazloženje za ovu tačku dnevnog reda dao je Raif Seferović, ministar Ministarstva za prostorno uređenje, saobraćaj i komunikacije i zaštitu okoline.

U diskusiji su učestvovali: Ministar Ministarstva za poljoprivredu, šumarstvo i vodoprivredu i Ministrica Ministarstva zdravstva.

Vlada je jednoglasno donijela Zaključak kojim se Vlada Zeničko-dobojskog kantona daje saglasnost na Pravilnik o dopunama Pravilnika o unutrašnjoj organizaciji i sistematizaciji radnih mjesta Ministarstva za prostorno uređenje, promet i komunikacije i zaštitu okoline, broj: 12-34-9955/10 od 05.04.2010. godine.

Zadužuje se Ministarstvo za prostorno uređenje, promet i komunikacije i zaštitu okoline da četiri potpisana i ovjerena primjerka Pravilnika iz ovog Zaključka dostavi Stručnoj službi Vlade radi ovjere saglasnosti, nakon čega će po jedan primjerak biti dostavljen Ministarstvu za pravosuđe i upravu i Sekretarijatu za zakonodavstvo, a dva primjerka vraćena Ministarstvu za prostorno uređenje, promet i komunikacije i zaštitu okoline.

#### **Četvrta tačka dnevnog reda**

Obrazloženje za ovu tačku dnevnog reda dao je Mirsad Isaković, ministar Ministarstva finansija.

U diskusiji su učestvovali: Ministar Ministarstva za obrazovanje, nauku, kulturu i sport i Ministar Ministarstva finansija.

Vlada je jednoglasno donijela Zaključak kojim se prihvata Izvještaj o izvršenju Budžeta Zeničko-dobojskog kantona za period januar-mart 2012. godine.

#### **Peta tačka dnevnog reda**

Obrazloženje za ovu tačku dnevnog reda dala je Romana Brkić, ministrica Ministarstva za pravosuđe i upravu.

Vlada je jednoglasno donijela Odluku kojom se odobravaju finansijska sredstva u iznosu od 100.000,00 KM (slovima: stohiljada konvertibilnih maraka) za nabavku zemljišta-uplata troškova ranijih ulaganja izvršenih u gradsko građevinsko zemljište i naknada za pogodnost-renta.

Odobrena sredstva iz ove odluke isplatit će se iz Budžeta Zeničko-dobojskog kantona za 2012. godinu, razdjel 16-Ministarstvo za pravosuđe i upravu, budžetska organizacija 01, potrošačka jedinica 0001, ekonomski kod 821100 pozicija „Nabavka zemljišta“.

#### **Šesta tačka dnevnog reda**

Obrazloženje za ovu tačku dnevnog reda dala je Romana Brkić, ministrica Ministarstva za pravosuđe i upravu.

Vlada je jednoglasno donijela Odluku kojom se odobravaju finansijska sredstva u iznosu od 100.000,00 KM (slovima: stohiljada konvertibilnih maraka) za rekonstrukciju i investiciono održavanje zgrada pravosudnih institucija (izrada unutrašnjih klupica, roletni i fasade na zapadnoj strani zgrade Općinskog suda u Zenici, sanacija mokrih čvorova u Općinskom sudu u Kaknju, ugradnja instalacija u oluke zgrade Općinskog suda u Tešnju, te ostala hitna ulaganja).

Odobrena sredstva iz ove odluke isplatit će se iz Budžeta Zeničko-dobojskog kantona za 2012. godinu, razdjel 16-Ministarstvo za pravosuđe i upravu, budžetska organizacija 01, potrošačka jedinica 0001, ekonomski kod 821600 pozicija „Rekonstrukcija i investiciono održavanje“.

Ministarstvo za pravosuđe i upravu će postupak realizacije rekonstrukcije i investicionog održavanja zgrada pravosudnih institucija izvršiti u skladu sa procedurama Zakona o javnim nabavkama („Službeni glasnik BiH“ broj 49/04, 19/05, 52/05, 92/05, 8/06, 24/06 i 70/06).

#### **Sedma tačka dnevnog reda**

Obrazloženje za ovu tačku dnevnog reda dao je Bojan Bošnjak, ministar Ministarstva za poljoprivredu, šumarstvo i vodoprivredu.

U diskusiji su učestvovali: Ministar Ministarstva za prostorno uređenje, promet i komunikacije i zaštitu okoline, Ministar Ministarstva unutrašnjih poslova, Ministrica Ministarstva zdravstva, Ministar Ministarstva za obrazovanje, nauku, kulturu i sport, Ministar Ministarstva za poljoprivredu, šumarstvo i vodoprivredu i Ministar Ministarstva za privredu.

Vlada je jednoglasno donijela Zaključak kojim se odbija zahtjev koncesionara koji crpe i flaširaju vodu sa područja Zeničko-dobojskog kantona, od 21.03.2012. godine za smanjenje koncesione naknade, kao neosnovan.

Zadužuju se Ministarstvo za privredu, Ministarstvo za poljoprivredu, šumarstvo i vodoprivredu i Ministarstvo za prostorno uređenje, promet i komunikacije i zaštitu okoline Zeničko-dobojskog kantona da izrade prijedlog podzakonskog akta o utvrđivanju jedinstvenih kriterija za određivanje visine naknada za sve predmete iz nadležnosti Kantona, u skladu sa federalnim Pravilima o utvrđivanju naknada za koncesiju („Službene novine Federacije BiH“, broj: 67/06).

Za realizaciju zadatka iz tačke I. ovog zaključka, formira se radna grupa od po dva člana iz resornih ministarstava, koju Vlada imenuje svojim rješenjem. Nositelj aktivnosti na pripremi podzakonskog akta je Ministarstvo za privredu.

Rok za izradu prijedloga akta iz ovog zaključka je 30 dana od dana imenovanja radne grupe.

### **Osma tačka dnevnog reda**

Obrazloženje za ovu tačku dnevnog reda dao je Ivica Ćurić, ministar Ministarstva za rad, socijalnu politiku i izbjeglice.

U diskusiji su učestvovali: Ministrica Ministarstva zdravstva, Ministar Ministarstva za prostorno uređenje, promet i komunikacije i zaštitu okoline, Ministar Ministarstva za poljoprivredu, šumarstvo i vodoprivredu, Ministar Ministarstva za rad, socijalnu politiku i izbjeglice i Ministar Ministarstva za obrazovanje, nauku, kulturu i sport.

Vlada je jednoglasno donijela Zaključak kojim se usvaja dokument „Projektni zadatak za izradu Strategije zapošljavanja Zeničko-dobojskog kantona za period 2012.-2016. godina“ koji će biti sastavni dio tenderske dokumentacije koja će se koristiti u postupku javnih nabavki za izradu dokumenta „Strategija zapošljavanja Zeničko-dobojskog kantona za period 2012.-2016. godina“.

Zadužuje se Ministarstvo za rad, socijalnu politiku i izbjeglice da provede sve propisane radnje za provođenje postupka javnih nabavki za izradu dokumenta Strategija zapošljavanja Zeničko-dobojskog kantona za period 2012.-2016. godina u skladu sa Zakonom o javnim nabavkama BiH („Službeni glasnik Bosne i Hercegovine“, broj: 49/04; 19/05; 52/05; 92/05; 8/06; 24/06; 70/06; 12/09 i 60/10).

### **Deveta tačka dnevnog reda**

Obrazloženje za ovu tačku dnevnog reda dao je Ivica Ćurić, ministar Ministarstva za rad, socijalnu politiku i izbjeglice.

U diskusiji su učestvovali: Ministar Ministarstva za poljoprivredu, šumarstvo i vodoprivredu, Ministar Ministarstva unutrašnjih poslova, Ministar Ministarstva za boračka pitanja i Ministar Ministarstva za privredu.

Vlada je jednoglasno donijela Rješenje kojim se imenuje Radna grupa za izradu dokumenta „Informacija o stanju i načinima zapošljavanja mladih visokoobrazovanih kadrova na području Zeničko-dobojskog kantona“ (u daljem tekstu: radna grupa), sa ciljem izvršenja programskog zadatka Vlade i Skupštine Zeničko-dobojskog kantona u 2012. godini, iz oblasti rada i zapošljavanja.

U Radnu grupu imenuju se:

1. Suljo Čolaković, predsjednik, JU Služba za zapošljavanje Zeničko-dobojskog kantona,

2. Mario Vrbić, član, Ministarstvo za rad, socijalnu politiku i izbjeglice,
3. Ana Marić, Ministarstvo za obrazovanje, nauku, kulturu i sport,
4. Ankica Radić, član, Ministarstvo zdravstva,
5. Amir Abazović, član, Ministarstvo za privredu,
6. Amira Jusufbašić, član, Ministarstvo za poljoprivredu, šumarstvo i vodoprivredu,
7. Harun Kahvedžić, član, JU Služba za zapošljavanje Zeničko-dobojskog kantona
8. Anita Turski, član, Ministarstvo za boračka pitanja.

Zadatak Radne grupe je da do 20. augusta 2012. godine izradi dokument „Informacija o stanju i načinima zapošljavanja mladih visokoobrazovanih kadrova na području Zeničko-dobojskog kantona“ i isti uputi Vladi Zeničko-dobojskog kantona na razmatranje.

Radnom grupom će rukovoditi predsjednik Radne grupe, a članovi će po instrukcijama predsjednika provoditi aktivnosti iz nadležnosti svog resora te prikupiti podatke o stanju i načinima zapošljavanja mladih visokoobrazovanih kadrova na području Zeničko-dobojskog kantona.

### **10. tačka dnevnog reda**

Obrazloženje za ovu tačku dnevnog reda dao je Ivica Ćurić, ministar Ministarstva za rad, socijalnu politiku i izbjeglice.

U diskusiji su učestvovali: Ministar Ministarstva za obrazovanje, nauku, kulturu i sport i Ministar Ministarstva za poljoprivredu, šumarstvo i vodoprivredu.

Vlada je jednoglasno donijela Zaključak kojim se odobravaju Općini Maglaj, sredstva u iznosu od 1.748,10 KM (slovima: hiljadusedamstotinačetredesetosam i 10/100 konvertibilnih maraka) na ime plaćanja troškova priključka na elektrodistributivnu mrežu obnovljenog stambenog objekta povratnice Mare Antolović, u naselje Bakotići, općina Maglaj.

Sredstva iz ovog zaključka isplatit će se iz Budžeta Zeničko-dobojskog kantona za 2012. godinu („Službene novine Zeničko-dobojskog kantona” broj: 5/12), razdjel 20- Ministarstvo za rad, socijalnu politiku i izbjeglice, budžetska organizacija 01, potrošačka jedinica 0001, ekonomski kod 614200, subanalitika KAD 202, pozicija Budžeta: «Sredstva za podsticaj povratka izbjeglih i raseljenih lica”.

Navedena sredstva isplatit će se na račun Općine Maglaj, broj: 1990460003251634 otvoren kod ABS banke, sa naznakom Svrha uplate: „Plaćanje troškova priključka na elektrodistributivnu mrežu obnovljenog stambenog objekta povratnice Mare Antolović, u naselje Bakotići, općina Maglaj po predračunu JP Elektroprivreda d.d. Sarajevo, podružnica „Elektrodistribucija“ broj:01/12, Zenica“.

Pauza u radu Vlade je bila u periodu od 12<sup>45</sup>-13<sup>00</sup> sati.

### **11. tačka dnevnog reda**

Obrazloženje za ovu tačku dnevnog reda dao je Ekrem Tuka, ministar Ministarstva za boračka pitanja.

Vlada je jednoglasno donijela Zaključak kojim se odobravaju sredstva u iznosu od 26.000,00 KM (slovima: dvadesetšesthiljada konvertibilnih maraka), Hajri (Hajdara) Hodžić iz Zavidovića, udovici poginulog branioca Brajke Hodžića iz Zavidovića, u svrhu kupovine stana i rješavanja stambenog pitanja njene porodice.

Sredstva iz ovog Zaključka isplatit će se iz Budžeta Zeničko-dobojskog kantona za 2012. godinu, razdjel 24, budžetska organizacija 01, potrošačka jedinica 0001, ekonomski kod 614200, subanalitika OAD 208 “Pomoć u rješavanju stambenog pitanja” Ministarstva za boračka pitanja.

Uplata sredstava bit će izvršena na račun Općine Zavidovići.

Služba za upravu pitanja boraca, raseljenih lica i izbjeglica općine Zavidovići se obavezuje doznačena sredstva uplatiti na račun prodavca nekretnine na osnovu Ugovora o prodaji OPU-IP-



66/2012 od 05.03.2012. godine, a izvještaj sa dokazima o namjenskom utrošku sredstava dostaviti Ministarstvu za boračka pitanja u roku od 15 dana od dana izvršene doznake sredstava na račun Općine.

### **12. tačka dnevnog reda**

Obrazloženje za ovu tačku dnevnog reda dao je Rifat Delić, ministar Ministarstva unutrašnjih poslova.

Vlada je jednoglasno donijela Zaključak kojim se prihvata Izvještaj o realizaciji Programa utroška sredstava pod nazivom „Program kapitalnih ulaganja Ministarstva unutrašnjih poslova za period I-VI.2012. godine.

### **13. tačka dnevnog reda**

Obrazloženje za ovu tačku dnevnog reda dao je Mirko Trifunović, ministar Ministarstva za obrazovanje, nauku, kulturu i sport.

U diskusiji je učestvovao Mirsad Isaković, ministar Ministarstva finansija.

Vlada je jednoglasno donijela Odluku kojom se odobrava uvećanje sredstava u Budžetu Zeničko-dobojskog kantona za 2012. godinu („Službene novine Zeničko-dobojskog kantona“, broj: 5/12) za budžetskog korisnika iz nadležnosti Ministarstva za obrazovanje, nauku, kulturu i sport – Mješovita srednja škola Tešanj.

Uvećanje sredstava u Budžetu Zeničko-dobojskog kantona za 2012. godinu, vrši se na slijedeći način:

- a) na razdjelu 22, budžetska organizacija 03, potrošačka jedinica 0010 – Mješovita srednja škola Tešanj, sredstva na poziciji 821300 – Nabavka opreme, Plan izdaci iz donacija 2012. godina, uvećavaju se za 2.500,00 KM,
- b) u Budžetu Zeničko-dobojskog kantona za 2012.godinu u dijelu A. PRIHODI u koloni Plan 2012. godina, sredstva na poziciji 722751 – Prilježene namjenske donacije neplanirane u budžetu, uvećavaju se za 2.500,00 KM.

Uplaćena donatorska sredstva od strane Agencije za razvoj općine Tešanj, škola će utrošiti za opremanje kabineta informatike.

Škola je dužna sačiniti izvještaj o namjenskom utrošku sredstava i isti dostaviti resornom Ministarstvu najkasnije 7 (sedam) dana nakon utroška sredstava.

### **14. tačka dnevnog reda**

Obrazloženje za ovu tačku dnevnog reda dao je Džemil Ugarak, ministar Ministarstva za privredu.

U diskusiji je učestvovala Sekretar Vlade.

Vlada je jednoglasno donijela Zaključak kojim se poništava Javni oglas za popunu upražnjenih pozicija dva člana Nadzornog odbora i dva člana Odbora za reviziju u privrednom društvu „Natron“ d.d. Maglaj, reguliranom tijelu koje je u nadležnosti Vlade Zeničko-dobojskog kantona kao „odgovornog javnog službenika“, koji je dana 21.04.2012. godine objavljen u Dnevnom avazu i dana 16.05.2012. godine u „Službenim novinama Federacije Bosne i Hercegovine“, broj: 41/12.

Zadužuje se Ministarstvo za privredu da obavijest o poništenju Oglasa iz tačke I. ovog zaključka objavi u „Službenim novinama Federacije Bosne i Hercegovine“ i Dnevnom avazu.

Zadužuje se Komisija za izbor, imenovana Rješenjem ministra Ministarstva za privredu Zeničko-dobojskog kantona, broj: 04-34-6079-2/12 od 17.04.2012. godine, da obavijesti kandidate koji su se prijavili na Oglas iz tačke I. ovog zaključka da je isti poništen, kao i da će se smatrati da

nisu odustali od prijave, odnosno njihova dokumentacija će se smatrati validnom, samo ukoliko u zakonskom roku podnesu ponovljenju prijavu na Oglas.

### **15. tačka dnevnog reda**

Obrazloženje za ovu tačku dnevnog reda dao je Džemil Ugarak, ministar Ministarstva za privredu.

Vlada je jednoglasno donijela Zaključak kojim Vlada Zeničko-dobojskog kantona utvrđuje upražnjene pozicije dva člana Nadzornog odbora i dva člana Odbora za reviziju u privrednom društvu „Natron“ d.d. Maglaj, reguliranom tijelu koje je u nadležnosti Vlade Zeničko-dobojskog kantona kao „odgovornog javnog službenika“.

Utvrđuje se potreba raspisivanja Oglasa za upražnjene pozicije, navedene u tački I ovog Zaključka.

Oglas iz ovog Zaključka bit će objavljen u „Službenim novinama Federacije Bosne i Hercegovine“ i dnevnim novinama.

### **16. tačka dnevnog reda**

Obrazloženje za ovu tačku dnevnog reda dala je Senka Balorda, ministrica Ministarstva zdravstva.

U diskusiji su učestvovali: Ministar Ministarstva za prostorno uređenje, promet i komunikacije i zaštitu okoline, Ministar Ministarstva za obrazovanje, nauku, kulturu i sport, Ministrica Ministarstva zdravstva i Sekretar Vlade.

Vlada je jednoglasno donijela Odluku kojom se utvrđuje obim prava osiguranih lica na lijekove koji se finansiraju iz sredstava obaveznog zdravstvenog osiguranja Zavoda zdravstvenog osiguranja Zeničko-dobojskog kantona, način utvrđivanja Liste lijekova Zeničko-dobojskog kantona (u daljem tekstu: Pozitivna lista lijekova kantona), te način i postupak propisivanja i izdavanja tih lijekova.

#### **II POZITIVNA LISTA LIJEKOVA KANTONA**

##### **Član 2.**

##### **(Dostupnost lijekova koje finansira Zavod)**

Osiguranim licima mogu se na teret sredstava obaveznog zdravstvenog osiguranja Zeničko-dobojskog kantona propisivati i izdavati na recept samo lijekovi koji se nalaze na Pozitivnoj listi lijekova kantona, a koja je sastavni dio ove odluke.

Pozitivna lista lijekova Kantona iz stava 1. ovog člana usklađena je sa Odlukom o listi esencijalnih lijekova neophodnih za osiguranje zdravstvene zaštite u okviru standarda obaveznog zdravstvenog osiguranja u Federaciji Bosne i Hercegovine („Službene novine F BiH“, broj 75/11) (u daljem tekstu: Federalna odluka), i to sa listom esencijalnih lijekova neophodnih za osiguranje zdravstvene zaštite u okviru standarda obaveznog zdravstvenog osiguranja u Federaciji Bosne i Hercegovine (u daljem tekstu: Federalna esencijalna lista lijekova), kao i cijenama lijekova na Federalnoj esencijalnoj listi lijekova, a koji su sastavni dio Federalne odluke.

##### **Član 3.**

##### **(Podjela Pozitivne liste lijekova kantona)**

Pozitivnu listu lijekova kantona koja je sastavni dio ove odluke čine tri liste i to:

- a) A Lista lijekova – lijekovi iz Federalne odluke, sa učešćem Zavoda u cijeni lijeka od 100 %,
- b) B Lista lijekova – lijekovi sa učešćem Zavoda u utvrđenom procentualnom iznosu,
- c) C Lista lijekova sa učešćem Zavoda u različitim procentima, za lijekove za koje je proizvođač ponudio veću cijenu od maksimalne cijene utvrđene Federalnom odlukom,
- d) Lista lijekova za koje nema ponuđač - izdavanje ovih lijekova će se pojedinačno rješavati uz saglasnost Ministarstva zdravstva Zeničko-dobojskog kantona.

#### **Član 4.**

##### **(Kriteriji za uvrštavanje lijekova na Pozitivnu listu lijekova kantona)**

Na Pozitivnu listu lijekova mogu se uvrstiti samo lijekovi onih proizvođača lijekova koji ispunjavaju opće i posebne kriterije za uvrštavanje lijekova na Pozitivnu listu lijekova kantona, a saglasno tački VIII. Federalne odluke i to kako slijedi:

##### **Opći kriteriji:**

- registracija lijeka, posjedovanje dozvole za stavljanje lijeka u promet izdate od strane Agencije za lijekove i medicinska sredstva Bosne i Hercegovine (u daljem tekstu: Agencije), saglasno Zakonu o lijekovima i medicinskim sredstvima, kao i propisima donijetim na osnovu tog Zakona.

- nalaz o kontroli kvaliteta prve proizvedene serije nakon registracije izdate od Kontrolnog laboratorija Agencije saglano Pravilniku o načinu kontrole kvalitete lijeka („Službeni glasnik BiH“, broj 97/09),

- osigurana kontinuirana kontrola svake serije uvezenog, odnosno proizvedenog lijeka u kontrolnom laboratoriju Agencije saglano Pravilniku o načinu kontrole kvaliteta lijeka, što se dokazuje nalazom Kontrolnog laboratorija Agencije ne starijim od šest mjeseci.

##### **Posebni kriteriji:**

- na Pozitivnu listu lijekova mogu se uvrstiti maksimalno pet zaštićenih naziva lijeka u okviru istog generičkog naziva, oblika, jačine i pakovanja, uključujući u ovo obavezno i lijekove domaće farmaceutske industrije, ukoliko je registrovana generička paralela domaće farmaceutske industrije, a saglasno preuzetoj obavezi iz Politike lijekova u Federaciji Bosne i Hercegovine („Službene novine F BiH“, broj 19/08) i Politici lijekova i medicinskih sredstava Bosne i Hercegovine („Službeni glasnik BiH“, broj: 55/11),

- na Pozitivnu listu lijekova kantona se uvrštava i orginator bez povećavanja maksimalnog broja zaštićenih naziva lijeka utvrđenih alinejom 1. ove tačke,

- iskustvo u terapijskoj primjeni lijeka u Federaciji Bosne i Hercegovine, odnosno Zeničko-dobojskom kantonu,

- izjava proizvođača lijekova o prihvatanju cijene lijeka utvrđene Federalnom esencijalnom listom lijekova, odnosno cijenama sa prethodne liste kantona ako je ona niža od cijene lijeka utvrđene Federalnom esencijalnom listom lijekova,

- izuzetno od alineje 2. općih kriterija, na Pozitivnu listu lijekova kantona mogu se privremene uvrstiti i lijekovi onih proizvođača lijekova koji nemaju nalaz prve proizvedene serije lijeka nakon registracije urađen od Kontrolnog laboratorija, uz uvjet da se radi o lijekovima od vitalne važnosti za koje ne postoji adekvatna zamjena, te uz uvjet da navedeni lijekovi ispunjavaju ostale kriterije utvrđene tačkom VIII. Federalne odluke, kao i uz dokaz da su navedeni proizvođači lijekova predali svoje uzorke lijekova Kontrolnom laboratoriju Agencije, a radi obavljanja kontrole kvaliteta lijekova saglasno Državnom Zakonu i Pravilniku, u tom slučaju lijek se može privremeno uvrstiti na Pozitivnu listu lijekova kantona, ali najduže do 60 dana u kom roku je proizvođač lijekova dužan dostaviti tražene nalaze o kontroli kvaliteta lijeka.

#### **Član 5.**

##### **(Cijene lijekova)**

Cijene lijekova utvrđene Pozitivnom listom lijekova kantona podrazumijevaju cijenu lijeka koju priznaje Zavod za isti generički naziv, oblik, jačinu i pakovanje lijeka i ista je obavezujuća prilikom finansiranja lijekova da ide na teret sredstava obaveznog zdravstvenog osiguranja Zeničko-dobojskog kantona.

Strukturu cijene čini proizvođačka cijena lijeka, bez poreza na dodatnu vrijednost, iznos carine i ostalih zavisnih troškova uvoza za uvezene lijekove i iznos veleprodajne marže utvrđene članom 12. Pravilnika o načinu kontrole cijena, načinu oblikovanja cijena i načinu izvještavanja o cijenama lijekova u Bosni i Hercegovini („Službeni glasnik BiH“ broj 82/11).

Cijena lijekova iz stava 1. ovog člana izražena je u BAM, i to u apoenima koji su u opticaju u Bosni i Hercegovini, a saglasno Zakonu o unutrašnjoj trgovini Federacije Bosne i Hercegovine („Službene novine FiH“, broj 40/10).

U slučaju da cijena lijeka nije zaokružena na apoene koji su u opticaju u Bosni i Hercegovini, obavezno se vrši zaokruživanje cijene lijekova na postojeće apoene novčanica u Bosni i Hercegovini.

#### **Član 6.**

##### **(Usklađivanje cijena lijekova)**

Dosadašnje cijene lijekova na Pozitivnoj listi lijekova kantona koje su više od cijene lijekova utvrđenih Federalnom esencijalnom listom lijekova, spuštaju se na nivo cijena lijekova Federalne esencijalne liste lijekova.

Dosadašnje cijene lijekova na Pozitivnoj listi lijekova koje su na iznosu cijena lijekova Federalne esencijalne liste lijekova ili su ispod tog iznosa, zadržavaju se na zatečenom nivou, pod uvjetom da lijekovi sa zatečenim cijenama ispunjavaju kriterije iz člana 4. ove odluke.

Nakon objave referalnih cijena lijekova od strane Agencije, u smislu člana 22. stav 2. Pravilnika o načinu kontrole cijena, načinu oblikovanja cijena lijekova i načinu izvještavanja o cijenama lijekova u Bosni i Hercegovini (u daljem tekstu: maksimalne cijene lijekova), te nakon usklađivanja cijena lijekova utvrđenih Federalnom esencijalnom listom lijekova sa maksimalnim državnim cijenama lijekova, a u smislu tačke XI. Federalne odluke, pristupit će se usklađivanju cijena lijekova na Pozitivnoj listi lijekova kantona, na način i u rokovima kako je to predviđeno Federalnom odlukom.

Usklađivanje cijena lijekova iz stava 3. ovog člana obavlja Zavod, uz prethodnu saglasnost ministricе zdravstva Zeničko-dobojskog kantona.

### **III SADRŽAJ POZITIVNE LISTE LIJEKOVA ZENIČKO-DOBOJSKOG KANTONA SA POJAŠNENJEM**

#### **Član 7.**

##### **(Sadržaj Pozitivne liste lijekova kantona)**

Pozitivna lista lijekova kantona sačinjena je prema internacionalnim nezaštićenim nazivima lijekova – INN (generičkim nazivima) i proizvođačkim nazivima lijekova koji ispunjavaju opće i posebne kriterije utvrđene tačkom VIII. Federalne odluke.

Pozitivna lista lijekova kantona iz stava 1. ovog člana sadrži i cijene lijekova koje su usklađene sa tačkama VI. i IX. Federalne odluke i za koje postoji izjava proizvođača lijekova o prihvatanju cijena lijekova.

#### **Član 8.**

##### **(Obavezni podaci o lijekovima)**

Pozitivna lista lijekova kantona sadrži sljedeće podatke:

- redni broj,
- šifra lijeka za informatičku obradu recepta,
- INN – generički naziv lijeka,
- zaštićeni naziv lijeka,
- proizvođač lijeka,
- oblik, jačina i pakovanje lijeka,
- učešće Zavoda,
- cijena originalnog pakovanja bez PDV-a i marže (KM),
- MP cijena originalnog pakovanja koju priznaje Zavod sa PDV-om i maržom,
- učešće pacijenta,
- režim propisivanja.

### **IV PROPISIVANJE LIJEKOVA**

#### **Član 9.**

##### **(Propisivanje lijekova u ugovornim zdravstvenim ustanovama)**

Propisivanje lijekova na način i pod uvjetima utvrđenim ovom odlukom, a na teret sredstava obaveznog zdravstvenog osiguranja Zeničko-dobojskog kantona, obavlja se samo u zdravstvenim ustanovama koje imaju zaključen ugovor sa Zavodom.

Na propisivanje lijekova shodno se primjenjuju odredbe Pravilnika o uvjetima za propisivanje i izdavanje lijekova u prometu na malo („Službene novine F.BiH“, broj 42/11, 64/11 i 82/11).

#### **Član 10.** **(Vrste recepata)**

Lijekovi sa Pozitivne liste lijekova kantona se propisuju osiguranom licu na obrascima recepta koji utvrđuje Zavod.

Na jedan recept može se propisati samo jedna vrsta (naziv) lijeka, oblik i jačina i to samo za pojedinačnog pacijenta.

Nazivi gotovih lijekova ispisuju se bez skraćivanja.

Recept iz stava 1. ovog člana vrijedi 15 dana od dana propisivanja, osim u slučajevima propisivanja antibiotika kada recept vrijedi tri dana od dana propisivanja, odnosno propisivanja lijeka koji sadrži opojne droge i psihotropne supstance kada recept vrijedi pet dana od dana propisivanja.

Izuzetno iz stava 4. ovog člana u slučaju propisivanja lijeka stabilnom hroničnom pacijentu, u smislu čl. 10, 10a, 10b, 10c, i 12. Pravilnika o uvjetima za propisivanje i izdavanje lijekova u prometu na malo (ponovljeni recept koji se izdaje na maksimalno 90 dana terapije).

#### **Član 11.** **(Šifra liječnika za recepte)**

Listu liječnika ovlaštenih za propisivanje lijekova sa Pozitivne liste lijekova kantona utvrđuje Zavod.

Ovlaštenim liječnicima iz stava 1. ovog člana Zavod dodjeljuje šifru.

Naljepnica sa bar kodom ovlaštenog liječnika obavezno se stavlja na obrazac recepta.

#### **Član 12.** **(Propisivanje količine lijekova i oznake na receptu)**

Ovlašteni liječnik propisuje količinu lijeka koja je prema stanju pacijenta i prirodi bolesti dovoljna do ponovnog liječničkog pregleda i to:

- kod akutnih oboljenja i stanja – u količini koja ne može biti veća od količine dovoljne za 15 dana terapije,
- kod hroničnih oboljenja i stanja, kada je u pitanju dugotrajna terapija lijeka – u količini koja ne može biti veća od količine lijeka koja je dovoljna za najviše 90 dana trajanja terapije, a saglasno čl. 10, 10a, 10b, 10c i 12. Pravilnika o uvjetima za propisivanje i izdavanje lijekova u prometu na malo, što isključuje antibiotike i opojne droge,
- u slučaju pružanja hitne medicinske pomoći, osiguranom licu se može propisati lijek samo u količini dovoljnoj do javljanja osiguranog lica ovlaštenom liječniku, odnosno, najviše za tri dana,
- ukoliko ovlašteni liječnik propiše količinu lijeka koja je veća od jednog originalnog pakovanja, dužan je na receptu staviti oznaku „necesse est“,
- kada se zbog prirode bolesti osiguranom licu, lijek mora izdati hitno, liječnik koji je propisao lijek dužan je na receptu staviti jednu od oznaka: „cito“, „statim“ i „periculum in mora“,
- lijekovi utvrđeni B i C listom lijekova mogu se osiguranom licu propisati na recept uz njihov pristanak, pri čemu osigurano lice mora biti upoznato o svojoj obavezi participiranja u cijeni lijeka u iznosu utvrđenom u B i C listi lijekova,
- liječnik koji je propisao lijek sa B i C liste lijekova, u slučaju iz alineje 6. ovog člana, obavezan je u zdravstveni karton upisati i podatak da je lijek propisa uz saglasnost osiguranog lica ili, eventualno, na zahtjev osiguranog lica.

### **V IZDAVANJE LIJEKOVA**

#### **Član 13.** **(Izdavanje lijekova ugovornim apotekama)**

Izdavanje lijekova na način i pod uvjetima utvrđenim ovom odlukom, a na teret sredstava obaveznog zdravstvenog osiguranja Zeničko-dobojskog kantona, obavlja se samo u apotekama koje imaju zaključen ugovor sa Zavodom.

**Član 14.**  
**(Izdavanje lijekova)**

Izdavanje lijekova u ugovornim apotekama obavljaju samo magistri farmacije, a saglasno čl. 37. i 38. Zakona o apotekarskoj djelatnosti („Službene novine F BiH“, broj: 40/10), kao i odredbama Pravilnika o uvjetima za propisivanje i izdavanje lijekova u prometu na malo.

**Član 15.**  
**(Uvjeti pod kojima se lijek ne smije izdati)**

Ugovorna apoteka ne smije izdati lijek na teret sredstava obaveznog zdravstvenog osiguranja Zeničko-dobojskog kantona ukoliko:

- recept nije propisan od strane ovlaštenog liječnika,
- nedostaju podaci o osiguranom licu,
- recept nije ispravno popunjen (ne sadrži neophodne propisane oznake, nečitko je ispisan, uputstvo o upotrebi lijeka nije potpuno),
- nedostaje šifra liječnika,
- da je prošlo od dana pripisivanja antibiotika više od tri dana,
- da je prošlo od propisivanja lijeka koji sadrži opojne droge i psihotropne supstance više od pet dana,
- da je od propisivanja lijeka proteklo više od 15 dana, izuzev slučajeva lijeka koji je propisan na receptu stabilnom hroničnom pacijentu sa rokom važenja maksimalno za najviše 90 dana trajanja terapije od dana propisivanja recepta.

**Član 16.**  
**(Zaliha lijekova)**

Ugovorna apoteka je obavezna osigurati kontinuirano snabdijevanje osiguranih lica Zeničko-dobojskog kantona lijekovima sa Pozitivne liste lijekova kantona i u tom cilju imati stalno jednomjesečne zalihe, a saglasno članu 81. Zakona o lijekovima, a u vezi sa članom 82. Zakona o lijekovima i medicinskim sredstvima.

Magistar farmacije izdaje na recept samo onaj lijek koji je propisan na receptu.

Ako apoteka nema propisanog lijeka, obavezna ga je nabaviti ili njegovo izdavanje pacijentu obezbijediti u drugoj apoteci.

Izuzetno od stava 2. i 3. ovog člana, ako apoteka nema propisani lijek zbog njegove nestašice na tržištu Federacije, magistar farmacije može izdati lijek istog sastava koji se u prometu nalazi pod drugim imenom, pod uvjetom da se pacijent saglasio sa takvom zamjenom lijeka.

Zamjenu lijeka iz stava 4. ovog člana, magistar farmacije naznačava na receptu.

**Član 17.**  
**(Participacije)**

Prilikom izdavanja lijeka sa A liste lijekova, osiguranik plaća učešće 1 KM,

Prilikom izdavanja lijeka sa B liste lijekova osiguranik plaća 1 KM i utvrđeni iznos za učešće u nabavci lijeka,

Prilikom izdavanja lijeka sa C liste, osiguranik plaća 1 KM i iznos iznad maksimalne cijene utvrđene Federalnom odlukom.

**VI OBAVEZE ZAVODA, MINISTARSTVA I INSPEKCIJE**

**Član 18.**  
**(Kontrola propisivanja i izdavanja lijekova)**

Zavod vrši kontrolu i prati propisivanje lijekova po ovlaštenim liječnicima i ugovornim zdravstvenim ustanovama, prati, kontroliše izdavanje lijekova po ugovornim apotekama, prati i kontroliše potrošnju lijekova po osiguranim licima i ima prava kontrole izvršavanja obaveza ugovornih apoteka u cilju poduzimanja odgovarajućih mijera i radnji radi otklanjanja uočenih nepravilnosti.

U slučaju da kontrolor Zavoda ili nadležni inspektor ustanove da se izdavanje lijekova od strane magistra farmacije ne vrši na način i u skladu sa Zakonom o apotekarskoj djelatnosti, Pravilnikom o načinu propisivanja i izdavanja lijekova, ovom odlukom, kao i drugim propisima koji uređuju izdavanje lijekova mogu predložiti Zavodu raskid ugovora sa ugovornom apotekom.

U slučaju da kontrolor Zavoda ili nadležni inspektor ustanovi da se ovlašteni liječnik ne pridržava odredbi ove odluke i drugih propisa koji uređuju propisivanje lijekova, Zavod ima pravo ovlaštenom liječniku oduzeti ovlaštenje za propisivanje lijekova na teret sredstava obaveznog zdravstvenog osiguranja.

#### **Član 19.**

##### **(Izvještaj o potrošnji lijekova)**

Ministarstvo zdravstva u saradnji sa Zavodom, dužno je Federalnom ministarstvu zdravstva svakih 6 mjeseci dostavljati izvještaj o potrošnji lijekova sa Pozitivne liste lijekova i to u pakovanjima i vrijednostima u KM utrošenih sredstava obaveznog zdravstvenog osiguranja Zeničko-dobojskog kantona, za svaki generički naziv lijeka i zaštićeni naziv lijeka, a saglasno tački XIII. stav 2. Federalne odluke.

#### **VII PRELAZNE I ZAVRŠNE ODREDBE**

#### **Član 20.**

##### **(Postupanje u izuzetnim i medicinski opravdanim slučajevima)**

Ministar zdravstva Zeničko-dobojskog kantona u izuzetnim i medicinski opravdanim slučajevima, a na osnovu uvida u priloženu dokumentaciju koja se sastoji od zahtjeva osiguranika, validne medicinske dokumentacije, može odobriti na teret sredstava obaveznog zdravstvenog osiguranja nabavku lijeka koji se ne nalazi na pozitivnoj listi lijekova kantona.

#### **Član 21.**

##### **(Završne odredbe)**

Stupanjem na snagu ove odluke prestaje da važi Odluka o listi lijekova koji se propisuju i izdaju na teret sredstava obaveznog zdravstvenog osiguranja Zeničko-dobojskog kantona („Službene novine Zeničko-dobojskog kantona“, br. 2/11 i 7/11).

#### **Član 22.**

##### **(Stupanje na snagu)**

Ova odluka stupa na snagu narednog dana od dana objavljivanja u „Službenim novinama Zeničko-dobojskog kantona“, a primjenjivat će se počev od 15.08.2012. godine.

#### **17. tačka dnevnog reda**

Obrazloženje za ovu tačku dnevnog reda dala je Senka Balorda, ministrica Ministarstva zdravstva.

Vlada je jednoglasno donijela Odluku kojom se odobravaju sredstva za učešće u zajedničkom finansiranju projekta izgradnje ambulante u Arnautima u iznosu od 20.541,20KM (slovima: dvadesethiljadapetstotinačetredesetjedna i 20/100 konvertibilnih maraka).

Sredstva iz ove odluke isplatit će se iz Budžeta Zeničko-dobojskog kantona za 2012. godinu (“Službene novine Zeničko-dobojskog kantona”, broj: 5/12) sa razdjela 21-Ministarstvo zdravstva, budžetska organizacija 01, potrošačka jedinica 0001, ekonomski kod 615100, pozicija Kapitalni transferi drugim nivoima vlasti-za zdravstvo”.

#### **18. tačka dnevnog reda**

Obrazloženje za ovu tačku dnevnog reda dala je Senka Balorda, ministrica Ministarstva zdravstva.

U diskusiji su učestvovali: Ministar Ministarstva za poljoprivredu, šumarstvo i vodoprivredu, Ministrica Ministarstva zdravstva, Ministar Ministarstva za prostorno uređenje, promet i komunikacije i zaštitu okoline, Ministar Ministarstva finansija i Ministar Ministarstva za rad, socijalnu politiku i izbjeglice.

Vlada je jednoglasno donijela Zaključak kojim se prihvata Informacija o statusu realizacije Projekta izgradnje novog energetskog kompleksa i novog centralnog operativnog bloka.

## **19. tačka dnevnog reda**

Obrazloženje za ovu tačku dnevnog reda dala je Senka Balorda, ministrica Ministarstva zdravstva.

U diskusiji su učestvovali: Ministar Ministarstva za prostorno uređenje, promet i komunikacije i zaštitu okoline, Ministrica Ministarstva zdravstva, Šef Ureda premijera, Ministar Ministarstva za rad, socijalnu politiku i izbjeglice, Ministar Ministarstva za obrazovanje, nauku, kulturu i sport i Ministar Ministarstva za privredu.

Vlada je jednoglasno donijela Zaključak kojim se prihvata Informacija o problematici grijanja u Kantonalnom zavodu za medicinu rada Zenica.

Radi rješavanja problematike navedene u Informaciji iz ovog zaključka, zadužuju se:

- Kantonalni zavod za medicinu rada Zenica da izvrši reviziju važećeg ugovora o isporuci toplotne energije i
- Kantonalna uprava za inspeksijske poslove da putem nadležnog inspektora izvrši reviziju snabdijevanja toplotnom energijom Kantonalnog zavoda za medicinu rada Zenica, te u roku od 15 dana izvijeste Vladu Zeničko-dobojskog kantona, o rezultatima izvršenog zaduženja.

## **20. tačka dnevnog reda**

Obrazloženje za ovu tačku dnevnog reda dala je Berjana Ačkar, sekretar Vlade.

Vlada je jednoglasno donijela Rješenje kojim se mijenja tačka I. Rješenja o imenovanju Monitoring tima za praćenje realizacije Strategije omladinske politike na području Zeničko-dobojskog kantona za period 2009.-2014. godina („Službene novine Zeničko-dobojskog kantona“, broj 7/12), tako što u alineji 20. umjesto imena: „Nijaz Drugović“, treba da stoji ime: „Aida Omanović“.

## **21. tačka dnevnog reda**

Obrazloženje za ovu tačku dnevnog reda dala je Berjana Ačkar, sekretar Vlade.

Vlada je jednoglasno donijela Rješenje kojim se utvrđuje lista kandidata za članove komisije radi sprovođenja oglasa za izbor na upražnjene pozicije u reguliranim tijelima Zeničko-dobojskog kantona, za koju su odgovorni javni službenici, Vlada Zeničko-dobojskog kantona, odnosno ministri ministarstava, kako slijedi:

1. Ministarstvo za poljoprivredu, šumarstvo i vodoprivredu:
  - Kaknjo Munir,
  - Pavlić Branka,
  - Jusufbašić Amira.
2. Ministarstvo za prostorno uređenje, promet i komunikacije i zaštitu okoline:
  - Mišić Nađa,
  - Mešić Amira,
  - Ribić Remzija.
3. Ministarstvo za obrazovanje, nauku, kulturu i sport:
  - Huseinspahić Advija,
  - Suljić Nermina,
  - Krajina Anka.
4. Ministarstvo za rad, socijalnu politiku i izbjeglice:
  - Dedić Dijana,
  - Jukić Jasenka,
  - Karić Nermina.



5. Ministarstvo za pravosuđe i upravu:
  - Jukić-Ezgeta Ružica,
  - Omerspahić Meliha,
  - Karan Melih.
6. Ministarstvo za boračka pitanja:
  - Serdarević Almasa,
  - Spahić Fahira,
  - Heco Enes.
7. Ministarstvo za privredu:
  - Serdarević Enisa,
  - Hadžipašić Branka,
  - Bašić Selima.
8. Ministarstvo zdravstva:
  - Hedžić Hajrudin,
  - Radić Ankica.
9. Ministarstvo unutrašnjih poslova:
  - Mujić Aida,
  - Odobašić Diana,
  - Dizdarević Mustafa.
10. Ministarstvo finansija:
  - Delibašić Nada,
  - Piljug Nermin,
  - Delihasanović Gabrijela.
11. Stručna služba Vlade:
  - Hrgić Haris,
  - Mitrović Milenko.
12. Ured premijera Zeničko-dobojskog kantona:
  - Dženan Begović.

Kod svakog raspisanog Oglasa za izbor na upražnjene pozicije ministar resornog ministarstva formirat će svojim rješenjem komisiju od pet članova za sprovođenje oglasa za izbor na upražnjene pozicije.

Komisija će biti formirana iz reda kandidata sa liste iz ovog Rješenja vodeći računa o odgovarajućoj stručnoj, polnoj i nacionalnoj zastupljenosti.

Komisija za sprovođenje oglasa za izbor na upražnjene pozicije dužna je da u skladu sa Odlukom o utvrđivanju standarda i kriterija Vlade Zeničko-dobojskog kantona za imenovanja/nominiranja na upražnjene pozicije u reguliranim tijelima Zeničko-dobojskog kantona – Prečišćeni tekst (“Službene novine Zeničko-dobojskog kantona”, broj: 2/11 i 14/11):

- pregleda prijave pristigle u roku utvrđenog oglasom,
- sastavi listu s užim izborom najboljih kandidata koji ispunjavaju kriterije za izbor,
- obavi intervju s kandidatima koji su ušli u uži izbor,
- dostavi potrebne obrasce kandidatima koji su ušli u uži izbor,
- sačini listu za svaku poziciju sa najboljim kandidatima i dostavi odgovornom javnom službeniku na razmatranje.

Za stručnu pomoć, obavljanje administrativnih, tehničkih poslova i obezbjeđenje drugih uslova za normalan rad komisije, odgovorni su sekretari nadležnih ministarstava, odnosno pomoćnik sekretara Vlade.

Stupanjem na snagu ovoga rješenja stavlja se van snage Rješenje o utvrđivanju liste kandidata za članove komisije radi sprovođenja oglasa za izbor na upražnjene pozicije u reguliranim tijelima Zeničko-dobojskog kantona broj: 02-34-18267/11 od 07.07.2011. godine.

## **22. tačka dnevnog reda**

Obrazloženje za ovu tačku dnevnog reda dao je Dženan Begović, šef Ureda premijera.  
U diskusiji su učestvovali: Ministar Ministarstva finansija i Sekretar Vlade.

Vlada je jednoglasno donijela Zaključak kojim se odobravaju novčana sredstva Hajdarević Ifeti, predstavnici radnica Tvornice konfekcije "Borac" d.d. u stečaju iz Zenice, u iznosu od 1.000,00 KM (slovima: hiljadu konvertibilnih maraka), na ime finansijske pomoći za organizovano traženje pravne pomoći u postupku zaštite svojih prava iz radnog odnosa.

Odobrena sredstva iz ovog zaključka isplatit će se iz Budžeta Zeničko-dobojskog kantona za 2012. godinu, Ured premijera, razdjel 11, budžetska organizacija 01, potrošačka jedinica 0001, ekonomski kod 614200, pozicija (BCD203) "Tekući transfer pojedincima".

Sredstva uplatiti na račun imenovane broj: 134 010 0000000 120 - 600611-05-1262590 (MBR: 0405965195017), otvoren kod: Investiciono-komercijalne banke d.d. Zenica.

## **23. tačka dnevnog reda**

Obrazloženje za ovu tačku dnevnog reda dala je Mirsada Silajdžić, direktorica Kantonalne uprave za inspeksijske poslove.

U diskusiji su učestvovali: Ministar Ministarstva za prostorno uređenje, promet i komunikacije i zaštitu okoline, Direktorica Kantonalne uprave za inspeksijske poslove i Ministar Ministarstva za obrazovanje, nauku, kulturu i sport.

Vlada je jednoglasno donijela Zaključak kojim se usvaja Program utroška sredstava pod nazivom „Program nabavke stalnih sredstava“ Kantonalne uprave za inspeksijske poslove za 2012. godine, sa razdjela 26, budžetska organizacija 01, potrošačka jedinica 0001, ekonomski kod 821300, pozicija „Nabavka opreme“ (veterinarsko-zdravstveni pregledi i kontrola kantonalnih veterinarskih inspektora i veterinara iz veterinarskih organizacija), Budžeta Zeničko-dobojskog kantona („Službene novine Zeničko-dobojskog kantona“ broj: 5/12) u ukupnom iznosu 110.000,00 KM (slovima: stotinudesethiljada konvertibilnih maraka), koji čini sastavni dio ovog zaključka.

Za realizaciju ovog zaključka zadužuje se Kantonalna uprava za inspeksijske poslove, Ministarstvo finansija i Služba za zajedničke poslove, svako u okviru svoje nadležnosti.

## **24. tačka dnevnog reda**

Obrazloženje za ovu tačku dnevnog reda dao je Nurudin Smajlagić, direktor Agencije za privatizaciju Zeničko-dobojskog kantona.

U diskusiji su učestvovali: Ministar Ministarstva finansija, Direktor Agencije za privatizaciju i Ministar Ministarstva za prostorno uređenje, promet i komunikacije i zaštitu okoline.

Vlada je jednoglasno donijela Zaključak kojim se vraća na doradu tačka dnevnog reda: - Prijedlog Zaključka o davanju saglasnosti na prijenos vlasništva nad vrijednosnim papirima preduzeća „Autotrans“ d.d. Vareš, radi dopune materijala u skladu sa primjedbama i sugestijama datim na sjednici.

## **25. tačka dnevnog reda**

Obrazloženje za ovu tačku dnevnog reda dao je Mirsad Isaković, ministar Ministarstva finansija.

U diskusiji su učestvovali: Ministar Ministarstva unutrašnjih poslova, Ministar Ministarstva za obrazovanje, nauku, kulturu i sport, Ministar Ministarstva za prostorno uređenje, promet i komunikacije i zaštitu okoline i Ministar Ministarstva finansija.

Vlada je jednoglasno donijela Zaključak kojim se daje saglasnost za donošenje Odluke o prestrukturiranju rashoda u Budžetu Zeničko-dobojskog kantona za 2012. godinu za Ministarstvo unutrašnjih poslova, za korekciju koeficijenata platnih razreda za činove policijskih službenika i za povećanje troškova lokacija za izdavanje ličnih dokumenata, u ukupnom iznosu od 720.000,00 KM.

### **26. tačka dnevnog reda**

Članovi Vlade su dostavom materijala u prilogu, informisani u vezi sa ovom tačkom dnevnog reda.

Predsjedavajući je zaključio sjednicu u 15<sup>05</sup> sati.

**SEKRETAR VLADE**

*Berjana Ačkar*

**PREDSJEDAVALJUĆI**

*Mirko Trifunović, dipl.ing.*

**ZAPISNIČAR**

*Azra Dedić*